



АКАФИСТ
СВЯТОМУ
ИОАННУ
ПРЕДТЕЧЕ



**Акафист
святому
Иоанну Предтече**



МОСКВА
2015

УДК 243
ББК 86.372
А38

*Рекомендовано к публикации
Издательским Советом
Русской Православной Церкви
(ИС Р 15-403-3048)*

А38 **Акафист святому Иоанну Предтече. —**
М.: Благовест, 2015. — 48 с.

**УДК 243
ББК 86.372**

ISBN 978-5-9968-0414-6

© Издательство «Благовест» –
текст, оформление, оригинал-
макет, 2015



АКАФИСТ СВЯТОМУ ИОАННУ ПРЕДТЕЧЕ

Кондак 1

Избранный от лет древних
быти Предтечею и Крестителем
Спасителя міра Христа Бѣга,
Иоанне богохвальне, прослав-
ляюще прославльшаго тя Господа,
похвальная восписуем ти, яко
большему всех рожденных же-
нами, во плоти Ангелу, покаяния
проповѣднику. Ты же, яко имѣяй
вѣлие дерзновѣние ко Господу,
от всяких бед свободдай и к



покая́нню воздви́жай нас, любо́-
вию тебѣ зову́щих:

Ра́дуйся, вели́кий Иоа́нне, Про-
ро́че, Предте́че и Кресті́телю
Госпо́день.

Икос 1

Арха́нгел Гаврии́л, предстоя́й
пред Бо́гом по́слан бысть ко
иере́ю Заха́рии, егда́ той служá
по чи́ну чреды́ своея́, вни́де
покади́ти в це́рковь Госпо́дню,
и, предста́в одесну́ю олтаря́
кади́льнаго, благове́ствоваше о
твоёмъ рождествѣ, вели́кий Иоа́н-
не, возвеща́я Заха́рии ра́дость и
весѣ́лие и я́ко мно́зи о рождест-



вѣ твоѣм возрадуются. Сего
ради и мы, дѣвному о тебѣ
Божію благоволенію чюдѣщеся
и радующеся, со благоговѣніем в
похвалу тебѣ вопіем:

Радуйся, совѣта Божія неиз-
реченнаго тайнниче; радуйся,
дѣвнаго смотрѣнія Его испол-
неніе.

Радуйся, прѣжде лет мно-
гих пророчеством Исаіи про-
явленнѣй; радуйся, вѣстниче
пред лицѣм Господним, дрѣвле
прореченнѣй.

Радуйся, предназначеннѣй бы-
ти великим пророком Вышняго;
радуйся, по обетованію Ангела
рожденнѣй.



Ра́дуйся, ещѣ во чрѣве ма́тере
твоея́ Ду́ха Свята́го испо́лненный;
ра́дуйся, прѣжде рождества́ твоего́
на вели́кое служѣние извещѣнный.

Ра́дуйся, непло́дства роди́телей
разрешѣние; ра́дуйся, иере́я Бо́-
жия ра́дость и весѣлие.

Ра́дуйся, дщѣре Ааро́новы
прозябѣние; ра́дуйся, плод мо-
ли́твы богодарова́нный.

Ра́дуйся, вели́кий Иоа́нне,
Проро́че, Предте́че и Крестите́лю
Госпо́день.

Кондак 2

Ви́дя Заха́рия явля́шагося ему́
А́нгела, смуті́ся, и страх нападе́



нань, и не вѣрова словесѣмъ благовѣстія егѡ о рождествѣ твоѣмъ; егда же за невѣріе немотѡю связан бысть, удивляшеся преславному чудесі, всемъ сѣрдцемъ вопія Бѡгу: *Аллилуіа*.

Икос 2

Разумъ неуразумеваемый разумѣти ищуще людіе, ждуще Захарію, чудяхуся, умѣдлившу ему в цѣркви; изшедшу же ему и не могущу глаголати к нимъ, но токмо помавающу, разумѣша вси, яко видѣние віде в цѣркви. Мы же, прославляюще дѣвнаго Творца чудесъ, Бѡга, вопіемъ тебѣ таковая:



Ра́дуйся, бла́гий вино́вниче
безгла́сия о́тча; ра́дуйся, слез
ма́тере твоея́ премене́ние на
ра́дость.

Ра́дуйся, тоя́ поноше́ния в
лю́дех отъя́тие; ра́дуйся, вели́кое
ро́ждшим тя утеше́ние.

Ра́дуйся, я́ко в шесты́й ме́сяц
о зача́тии твоём Пресвята́я
Де́ва Ма́рiя в Назаре́те от
А́нгела извести́ся; ра́дуйся, я́ко
о рождестве́ твоём мно́зи воз-
весели́шася.

Ра́дуйся, я́ко и́мя благода́тное от
А́нгела нарече́нное, получи́вый;
ра́дуйся, я́ко и́менем твои́м не-
мотствова́ние отца́ твоего́ За-
ха́рии разреши́ся.



Ра́дуйся, я́ко и́мя Бо́жие о
тебе́ отце́м твоё́м благослови́ся;
ра́дуйся, я́ко о чу́дном рождествѣ
твоё́м страх и удиви́ение в о́крест
живу́щих яви́ся.

Ра́дуйся, я́ко по всей странѣ
Иудѣ́йстей о дѣ́внем рождествѣ
твоё́м возвести́ся; ра́дуйся, я́ко
тобо́ю спасѣ́ние мно́гим в ми́ре
сем яви́ся.

Ра́дуйся, вели́кий Иоа́нне,
Проро́че, Предте́че и Крестите́лю
Госпо́день.

Кондак 3

Си́ла Вы́шняго разреши́ не-
пло́дство заматорѣ́вшаго во днѣх



своих праведных Елисаветы, зачат бо ты, славный Предтече Господень, и таяшеся мѣсяцъ пять, глаголющи: яко тако мне сотвори Господь во дни, в няже призре отъяти поношеніе мое в чело́вѣцех. Егда же прия Имущую во чре́ве Христа, исполнися Ду́ха Свята и возопи гласомъ велиимъ: «Откуда мне сіе, яко прииде Мати́ Го́спода моего ко мне!» С Неюже радуящися, взы́ваше Бо́гу: *Аллилу́иа*.

Икос 3

Име́яй преды́ти пред Го́сподемъ ду́хом и си́лою Илїи́ною, ещѣ из



чре́ва ма́тере твоея́ испо́лнился
еси́ Ду́ха Свята́го, отону́дуже и
Проро́к дивный показа́лся еси́,
егда́ во утробе́ ма́тере твоея́
сый, взыгра́лся еси́ ра́дощами
прише́ствию Ма́тере Госпо́дни.
Бо́га бо позна́л еси́, носи́ма в
ложесна́х Благода́тныя, и Того́
ма́терним гла́сом пропове́дал
еси́: подоба́ше бо Божество́нных
веще́й пресла́вным бы́ти на-
ча́лом. Сему́ у́бо благоговейно
удивля́ющеся, с ра́достию тебе́
вопи́ем:

Ра́дуйся, ещѣ́ во утробе́ ма́-
терней предпосла́вшаго тя Го́с-
пода чу́дным весѣ́лием предъ-
яви́вый; ра́дуйся, я́ко тебе́ ра́ди



и матери твоёй Елисавете воплощение Христово открыся.

Радуйся, яко и та исполнися Духа Свята; радуйся, яко и она предивная пророчица явися.

Радуйся, яко от нея Пресвятая Дева Марія Блаженною в женах наречёся; радуйся, яко тою Она и Материю Господа наименовася.

Радуйся, яко и безсеменный плод Той Благословенным пронаречёся; радуйся, Премудросте Божественная предьявление.

Радуйся, святаго супружества благословение; радуйся, неплодных ложесн дивное прозябение.



Ра́дуйся, рождѣніем твоѣм
удивѣвый лю́ди; ра́дуйся, свѣт-
лый Сло́ва гла́се.

Ра́дуйся, вели́кий Ио́анне,
Проро́че, Предте́че и Кресті́телю
Госпо́день.

Кондак 4

Бу́рею сомнѣнія смущѣнный,
иере́й Заха́рія не можа́ше,
по словесі́ а́нгельскому, про-
глаго́лати. Егда́ же по рождест-
вѣ твоѣм, Предте́че Госпо́день,
написа́ благодáтное і́мя твоѣ,
а́бие отверзо́шася уста́ и язы́к
его́, и глаго́лаше, благословя́ Бо́га,
и проро́чества, глаго́ля: Благо-



словѣнъ Господь Богъ Израилевъ,
яко посети и сотвори избавлѣ-
ніе людемъ Своимъ, и ты, отроча,
пророкъ Вышняго наречешися, поя
Тому: *Аллилуиа*.

Икос 4

Слышаша окрест живущии
людіе о преславномъ и чудномъ
рождествѣ твоѣмъ, со удивленіемъ
глаголаху въ себѣ: «Что убо отроча
сіе будетъ?» Мы же тя, преслав-
ный Предтече Господень, яко
больша всехъ рождѣнныхъ женами,
достойно чтуще, ублажаемъ сѣце:

Радуйся, отъ зачатія твоего
благодатныхъ явленій испол-



ненный; раду́йся, в рождестве́ твоём Богом просла́вленный.

Раду́йся, во младе́нчестве твоём от отца́ твоего́ проро́ком Вы́шняго нарече́нный; раду́йся, во о́трочестве твоём Ду́хом Святы́м просвеще́нный и укрепле́нный.

Раду́йся, Бо́га воплоти́вшагося сродни́к по плоти́ бы́вый; раду́йся, от Бо́га вы́сокое зва́ние Предте́чи и Крестите́ля прие́мый.

Раду́йся, заре́, свет но́вый ми́ру возвести́вшая; раду́йся, звездо́, путь, веду́щий ко Христу́, освети́вшая.



Ра́дуйся, денни́це Со́лнца не-
заходи́мага; ра́дуйся, свети́льниче
Све́та неугаса́емаго.

Ра́дуйся, путь грядúщему
Христу́ уготовля́й; ра́дуйся,
А́нгела и челове́ка в себѣ явля́й.

Ра́дуйся, вели́кий Иоáнне,
Проро́че, Предте́че и Крести́телю
Госпо́день.

Кондак 5

Богопроти́вное велѣние безза-
ко́ннаго детоуби́йцы Ирода изгна́
тя из до́му о́тча в непрохо́дную
пусты́ню, носи́ма ма́терию,
Предте́че Госпо́день, иде́же и
пребыва́л еси́ до дне явлѣ́ния



твоего́ ко Изра́илю, яды́й акри́ды
и мед дѣ́вий и Бо́гу вопия́:
Аллилу́иа.

Икос 5

Ви́дяще дѣ́вное Бо́жие о
тебе́ промышлѣ́ние, Ио́анне бо-
гохва́льне, я́ко от младе́нческих
пелѣ́н по́стническаго жити́я лю-
битель показáлся еси́, отоню́дуже
во́лею Вы́шняго по́слан был еси́
проповѣ́дати лю́дем грядúщее
во Христѣ́ спасѣ́ние. Сего́ ра́ди
со удивлѣ́нием и любóвию тебе́
взывáем:

Ра́дуйся, я́ко, ещѣ́ младе́нец
сый, царя́ Ирода́ устраши́л



еси; радуйся, от напраснаго
уби́ения тем десницею Вы́шняго
сохранённый.

Радуйся, пусты́ни шипо́к бла-
гово́нный; радуйся, высото́ю по́д-
вигов твои́х всех удиви́вый.

Радуйся, пра́ваго пу́ти ве́рный
указáтелю; радуйся, чистоты́
и целому́дрия предивный хра-
нителю.

Радуйся, ева́нгельскаго самоот-
верже́ния о́бразе соверше́нный;
радуйся, мона́шествующих по-
кро́ве и утвержде́ние.

Радуйся, богосло́вствующих
у́мов просвеще́ние; радуйся,
gréшным милосе́рдия Бо́жия
двѣри отверза́й.



Ра́дуйся, ка́ющимся грѣшником от Го́спода прощѣние подава́й; ра́дуйся, плоды досто́йны покая́ния творі́ти помога́й.

Ра́дуйся, вели́кий Иоа́нне, Проро́че, Предте́че и Кресті́телю Госпо́день.

Кондак 6

Проповѣдник сла́вный ты, божѣ́ственный Предте́че, показáлся еси́ в пусты́ни Иорда́нстей во дни явлѣ́ния Христа́ Бо́га міру. Сего́ бо, Грядúщаго к тебѣ́, показáл еси́ лю́дем, глаго́ля: се, А́гнецъ Бо́жий, взѣмляй



грехи́ ми́ра; Егѡже мы вѣрою
позна́вше, поѡм Емѹ: *Алли-
лу́иа.*

Икос 6

Возсия́л еси́ свет ѣстины,
Иоа́нне богопросвещѣнне, всем
явля́й сла́вы Отчия сия́ние,
я́вльшееся плѡтски нас ра́ди.
Вопия́л бо еси́ в пусты́ни лю́дем:
«Пока́йтесь, прибли́жи бо ся
Ца́рствие Небе́сное: сотвори́те
плоды́ досто́йны покая́ния. Се
бо грядѣт по мне, Иже крѣс-
тит вы водо́ю и Ду́хом». Сего́
ра́ди похва́льная тебѣ во-
пиѣм:



Ра́дуйся, прише́ствия Мессіи
возвестітелю; ра́дуйся, путе́й
Госпо́дних уготовáтелю.

Ра́дуйся, вѣтхія и но́выя
благодáти ходáтаю; ра́дуйся, про-
ро́ков предѣле и нача́ло апос-
толов.

Ра́дуйся, гла́се Сло́ва благо-
знаменітый; ра́дуйся, покая́ния
проповѣднице велегла́сный.

Ра́дуйся, мно́гих сынóв Изра́и-
левых ко Го́споду обрати́вый;
ра́дуйся, лю́ди соверше́нны Го́с-
подеви угото́вавый.

Ра́дуйся, фарисеев и саддукеев
дерзнове́нно обличи́вый; ра́дуйся,
плоды́ досто́йны покая́ния тво-
ри́ти научи́вый.



Ра́дуйся, просвещёния духо́в-
наго указáтелю; ра́дуйся, и́щу-
щим предста́тельства твоего́
неусы́пный засту́пниче.

Ра́дуйся, вели́кий Иоáнне,
Проро́че, Предте́че и Крестите́лю
Госпо́день.

Кондак 7

Хотя́щу от тебе́ креститься́ Го́с-
поду Иису́су, Иоáнне богоблаже́нне,
глаго́лал еси́: «Аз тре́бую Тобо́ю
креститься́»; о́баче повину́ясь,
ре́кшу Тому́: «Оста́ви ны́не», воз-
двигл еси́ десни́цу твою́ на главу́
Его́ и, крестив не тре́бующаго
очище́ния, вопия́л еси́: *Аллилу́иа*.



Икос 7

Но́вую пода́я благода́ть кре-
сти́тися изво́ливый от тебѣ
Госпо́дь, сподо́би тя Ду́ха при-
ше́ствие ви́дети и глас Оте́ческий
с Небесѣ, свидѣ́тельствующий
Его́ Сыно́вство, слы́шати. Ото-
ню́дуже в Трѣ́их Ли́цах Еди́ному
Бо́гу покланя́тися нас научи́л еси́,
Его́же брѣ́нными прославля́юще
устна́ми, в похвалу́ сия́ тебѣ
прино́сим:

Ра́дуйся, Тро́ического Богояв-
ле́ния пе́рвый проповѣ́днице;
ра́дуйся, в Трѣ́их Ли́цах еди́-
наго Бо́га и́стинный поклон-
ниче.



Ра́дуйся, Ду́ха Свята́го в ви́де
голуби́не яснозри́телю; ра́дуйся,
снисхожде́ния Его́ от Отца́ на
Сы́на свидѣтелю.

Ра́дуйся, гла́са с Небесе́ от
Бо́га Отца́ слы́шателю; ра́дуйся,
явлéния любве́ Отчи к Сы́ну
созерца́телю.

Ра́дуйся, Сы́на Бо́жия из-
бра́нный Кресті́телю; ра́дуйся,
во́ли Его́ святы́я исполні́-
телю.

Ра́дуйся, сла́внаго служéния
спасéнію ро́да челове́ческаго
рэвностный рачі́телю; ра́дуйся,
вели́каго Та́инства Крещéнія
пёрвый соверші́телю.



Ра́дуйся, Божѣственнымъ ра́доте
вѣстниче; ра́дуйся, Но́ваго За́вѣта
пѣрвый учи́телю.

Ра́дуйся, вели́кий Ио́анне,
Проро́че, Предте́че и Кресті́телю
Госпо́день.

Кондак 8

Стра́нное и неизрече́нное сми-
ре́ние воплоти́вшагося Бо́га
Сло́ва ви́дев, богоблаже́нне
Кресті́телю, Божѣственную Свою́
главу́ приклони́вша и ра́бское
креще́ние приѣмша, ты и сам
весь испо́лнился еси́ вели́каго
смирѣ́ния. Испроси́ у́бо бо-
голюбе́зную добродѣ́тель сию́ и



нам, одержимым гордостию, яко
да от сердца смиренна вопиём
Емѹ: *Аллилуиа*.

Икос 8

Весь благодатных дарований
исполненный, течение временныя
жизни скончавая, Иоанне бо-
гознамените, всех поучал еси
исполнением закона и покаянием
благоугождати Господеву. Сего
ради благодарственное хваление
тебе, великому учителю истины,
воспеваем:

Радуйся, закона и оправданий
Господних насадителю; радуйся,
Иродова беззакония обличителю.



Ра́дуйся, о исправле́нии то́го
рачи́телю; ра́дуйся, пра́вды ра́ди
темни́чное заклю́чение и у́зы
претерпе́вый.

Ра́дуйся, за и́стину во главу́
усече́нный; ра́дуйся, я́ко те́ло
твоё́ от ученико́в твои́х че́стне
погребёся.

Ра́дуйся, я́ко Бо́жиим смот-
ре́нием глава́ тво́я нетле́нна
соблюде́ся; ра́дуйся, я́ко та на
утеше́ние, освяще́ние и це́льбы
христиа́ном даде́ся.

Ра́дуйся, я́ко и десни́це твоё́й,
крестившей Го́спода, ве́рнии
благоче́стне покланя́ются; ра́-
дуйся, я́ко от тебе́ мно́гая чудеса́
те́ми доны́не соверша́ются.



Ра́дуйся, я́ко тобо́ю ве́рнии от
страсте́й безче́стия избавля́ются;
ра́дуйся, я́ко тобо́ю гре́шнии к
покая́нию воздвиза́ются.

Ра́дуйся, ве́ликий Иоа́нне,
Проро́че, Предте́че и Крести́телю
Госпо́день.

Кондак 9

Все естество́ а́нгельское уди-
ви́ся высоте́ служе́ния твоего́, и
Це́рковь благоговейно прослав-
ляет тя, я́ко дру́га Христа́ Бо́га,
предше́дшаго пред Ним ду́хом и
си́лою Или́иною. Ревну́я бо по
и́стине, дерзнове́нно облича́л еси́
фарисе́ев и беззако́ннаго Ирода, от



негѡ же и мученическую кончину
пріял еси́. Покланяющеся ўбо
честнѣй главѣ твоѣй, молимся ти:
избави нас от страстей безчестія,
да чистымъ сѣрдцемъ и усты́ поѣмъ:
Аллилу́иа.

Икос 9

Ветійство всякое земнорѡдныхъ
не довлѣетъ достѡйно восхвалити
тя, Ио́анне богохвально; тебѣ
бо уста Христо́ва похвали́ша,
вы́сша проро́ковъ и бо́льша всехъ
рождѣнныхъ женами ты наиме-
новаша. Отонудуже достѡйную
похвалу́ принести́ тебе не-
доумевая́юще, вопиѣмъ ти сицевая́:



Ра́дуйся, Цѣркве Христо́вы
вели́кая сла́во; ра́дуйся, А́нгелов
предивное чу́до.

Ра́дуйся, пра́отцев ра́дость и
прославлѣние; ра́дуйся, проро́ков
высо́кая похвало́.

Ра́дуйся, апо́столов богосвѣтлый
вѣнче; ра́дуйся, святі́телей ве-
леле́пая красото́.

Ра́дуйся, му́чеников в но́вой
благодáти нача́ло; ра́дуйся, пре-
подобных соверше́ние.

Ра́дуйся, пра́ведных удобре́ние;
ра́дуйся, дѣвственников и по́ст-
ников основáние.

Ра́дуйся, всех христиа́н ве-
ли́кое утешѣние; ра́дуйся, я́ко
от всех христиа́нских ро-



до́в и́мя твоё́ прославля́-
ется.

Ра́дуйся, вели́кий Ио́анне,
Проро́че, Предте́че и Крести́те-
лю Госпо́день.

Кондак 10

Спасти́ мир Прише́дшаго во
плóти Христа́ Бо́га благовести́л
еси́ и сущим во а́де, я́коже бо
денница, предходя́щая со́лнцу,
освети́л еси́ во тьме и сѣни
смѣртней сидя́щих. Отоню́дуже
вскóре Господем изведе́н был
еси́ со всѣми от вѣка пра́ведны-
ми, поя́ Емú, я́ко Изба́вителю
и Победи́телю смѣрти: *Аллилу́иа.*



Икос 10

Стенá еси́ и прибѣжище спасительное́ всемъ, моли́твенно к тебѣ́ притека́ющимъ, божѣ́ственный Иоáнне. Сего́ ра́ди пѣсньми похва́льными ублажа́ем тя си́це:

Ра́дуйся, мо́щный заступни́че наш и вѣ́рный от бедъ храните́лю; ра́дуйся, злостра́ждущихъ от духо́въ зло́бы ско́рый помо́щниче и изба́вителю.

Ра́дуйся, непло́дствующимъ благослове́ние от Бо́га низпосыла́я; ра́дуйся, притека́ющихъ к тебѣ́ с вѣ́рою от трево́лнѣния страсте́й изба́вляя.



Ра́дуйся, во враждѣ сущих
скóро умиротворяяй; ра́дуйся, во
всякой нуждѣ и печáли усérдно
притека́ющим к тебѣ скóрую
пóмощь подава́яй.

Ра́дуйся, благотеку́щих от са-
мообольщѣния и прѣлести изы-
ма́яй; ра́дуйся, вруча́ющим себѣ
твоему́ ходáтайству в час смѣрт-
ный помога́яй.

Ра́дуйся, любящих тя от воз-
ду́шных мыта́рств предста́тель-
ством твои́м свобожда́яй; ра́дуйся,
почита́ющих сла́вную па́мять
твою́ вѣчныя жи́зни моли́твами
твои́ми сподобля́яй.

Ра́дуйся, нищих и вдови́ц и
си́рот заступле́ние; ра́дуйся, по



Бо́зе и Богоро́дице христиа́ном
прибе́жище и упова́ние.

Ра́дуйся, вели́кий Иоа́нне,
Проро́че, Предте́че и Кресті́те-
лю Госпо́день.

Кондак 11

Пе́ние всякое не довлéет по
достоя́нню до́блестей твои́х
восхва́лити тя, Кресті́телю Гос-
по́день. Но мы, любóвию по-
ну́ждени, дерза́ем воспева́ти
вели́чия тво́я, е́же ми́лостивно
приими́ от нас, первостоя́телю у
престо́ла Пресвяты́я Тро́ицы, и
моли́ свободі́тися нам от вся́кия
скве́рны грехо́вныя, да чи́стым



сёрдцем и устна́ми поём Бо́гу:
Аллилу́иа.

Икос 11

Свети́льника Свѣта неприс-
ту́пнаго и всесвѣ́тных благодѣ́тных
дарова́ний всего́ испо́лнена ты,
Иоа́нне богопросвещѣ́нне, ве́дуще,
ра́достно прино́сим ти такова́я:

Ра́дуйся, самови́дче озари́вшаго
тя свѣ́ше Божѣ́ственного Свѣ́та;
ра́дуйся, свѣ́том добродѣ́телей
твои́х просла́вивый Бо́га.

Ра́дуйся, Пресвяты́я Тро́ицы ве-
леле́пую сла́ву яви́вый; ра́дуйся,
пра́вый и ди́вный путь к Небеси́
показа́вый.



Ра́дуйся, и су́щим во а́де
Бо́га, я́вляшагося во плóти,
благовестителю; ра́дуйся, душ
пра́ведных, от вéка в преис-
пóдней держи́мых, возвесели́-
телю.

Ра́дуйся, Влады́ки Христа́
Бо́га дру́же искренний; ра́дуй-
ся, яви́вый ми́ру Свет и́стин-
ный.

Ра́дуйся, светоза́рное свéта
евáнгельского сия́ние; ра́дуйся,
ро́да христиа́нского прослав-
ле́ние.

Ра́дуйся, сове́та Бо́жия
исполне́ние; ра́дуйся, я́ко от
восто́к со́лнца да́же до за́пад
хва́льно и́мя твоё.



Ра́дуйся, вели́кий Иоа́нне,
Проро́че, Предте́че и Крести́те-
лю Госпо́день.

Кондак 12

Благода́ти тезоимени́тый Кре-
сти́телю Госпо́день и то́ю
обога́тився, победоно́сец пре-
сла́вный показáлся еси́; по-
бедил бо еси́ враги́ и всякую
зло́бу и вели́кое служе́ние
твоё мученическим по́двигом
запечатле́л еси́. Ны́не же, пред-
стоя́ престолу́ Царя́ ца́рствующ-
щих, моли́ егó дарова́ти ве́рным
побе́ды на враги́ и во всем
благопоспеше́ние, в добродете́лех



же благодáтное укреплéние, по-
ю́щим Ему́: *Аллилу́иа*.

Икос 12

Пою́ще Бо́га, дíвно в тебé
просла́вльшагося, хва́лим тя, бо-
гоблаже́нне Крестíteлю, я́ко
и́скренняго дру́га Христо́ва, про-
славля́ем вели́кия по́двиги тво́я,
ублажа́ем му́ченическую кон-
чи́ну твою́ и сицевáя ра́достно
вопи́ем ти:

Ра́дуйся, вселéнский апо́столе
и Но́ваго Завёта перво́мучениче;
ра́дуйся, явлéнием Христа́ на
земли́ открывша́гося Ца́рствия
Небéснаго пёрвый проповёдниче.



Ра́дуйся, язы́ков Божéственное
призвáние предвозвести́вый; ра́-
дуйся, безвéстная и та́йная пре-
му́дрости Бо́жия ми́ру яви́вый.

Ра́дуйся, божéственными дея́нии
плодоно́сен па́че ины́х яви́выйся;
ра́дуйся, я́ко свéтом дел твои́х
просла́вился Оте́ц Небе́сный.

Ра́дуйся, я́ко о па́мяти твоéй
Цéрковь Христо́ву весели́ши не-
изрече́нно; ра́дуйся, я́ко ны́не
вéчнаго наслажда́ешия весе́лия
изобильно.

Ра́дуйся, божéственными лу-
ча́ми Трисо́лнечнаго Свéта осия́емый;
ра́дуйся, я́ко со
безплóтными Трисвяту́ю песнь
Бо́гу немóлчно вопи́еши.



Ра́дуйся, я́ко ны́не, зерца́лом
разре́шшимся, непосредственне
зри́ши Святу́ю Тро́ицу.

Ра́дуйся, вели́кий Иоа́нне,
Проро́че, Предте́че и Крестите́-
лю Госпо́день.

Кондак 13

О вели́кий и пресла́вный Пред-
те́че и Крестите́лю Госпо́день
Иоа́нне, приими́ от нас ны́не
приноси́мое тебѣ моле́ние и тво-
и́ми богоприятными к Бо́гу мо-
ли́твами изба́ви нас от всякаго зла,
и вѣчныя изми́ му́ки, и наслѣдника-
ми Ца́рствия Небе́снаго соде́лай, да
во ве́ки поём Бо́гу: *Аллилу́иа*.



Этот кондак читается трижды.

Икос 1

Архангел Гавриил, предстояй
пред Богом послан бысть ко
иерею Захарии, егда той служа
по чину чреды своея, вниде
покадити в церковь Господню,
и, представ одесную олтаря ка-
дильнаго, благовествоваше о твоём
рождествѣ, великий Иоанне, воз-
вещаая Захарии радость и веселие
и яко мнози о рождествѣ
твоём возрадуются. Сего ради
и мы, дивному о тебѣ Божію
благоволенію чудящися и ра-



дующеся, со благоговѣніемъ в
похвалу́ тебѣ вопіемъ:

Рáдуйся, совѣта Бóжия неиз-
речѣннаго тайнниче; рáдуйся, дѣв-
наго смотрѣнія Его́ исполнѣние.

Рáдуйся, прѣжде летъ мно́гихъ
прорóчествомъ Иса́ии проявлѣн-
ный; рáдуйся, вѣстниче предъ
лицѣмъ Господнимъ, дрѣвле проре-
чѣнный.

Рáдуйся, предназначѣнный бы-
ти вели́кимъ прорóкомъ Вы́шняго;
рáдуйся, по обетовáнью А́нгела
рождѣнный.

Рáдуйся, ещѣ во чрѣве мáтере
твоея́ Дúха Свята́го испóлненный;
рáдуйся, прѣжде рождества́ твоего́
на вели́кое служѣние извещѣнный.



Рáдуйся, непло́дства роди́телей разрешéние; рáдуйся, иерéя Бóжия рáдость и весéлие.

Рáдуйся, дщére Аарóновы прозябéние; рáдуйся, плод моли́твы богодарова́нный.

Рáдуйся, вели́кий Иоáнне, Проро́че, Предтéче и Крестите́лю Госпо́день.

Кондак 1

Избра́нный от лет дрéвних бы́ти Предтéчею и Крестите́лем Спаси́теля ми́ра Христа́ Бо́га, Иоáнне богохва́льне, прославля́юще просла́вльшаго тя Го́спода, похва́льная воспису́ем ти, я́ко бо́льшему всех рождéнных же-



на́ми, во плóти А́нгелу, покая́ния
пропове́днику. Ты же, я́ко имéяй
вэ́лие дерзнове́ние ко Го́споду,
от вся́ких бед свобожда́й и к
покая́нию воздвиза́й нас, любóвию
тебе́ зову́щих:

Ра́дуйся, вели́кий Иоа́нне,
Проро́че, Предте́че и Крестите́-
лю Госпо́день.

Молитва

Крестите́лю Христо́в, пропове́д-
ниче покая́ния, ка́ющагося не
пре́зри мене́, но совокупля́ясь с
во́и небéсными, моли́ся ко Вла-
ды́ще за мене́, недостóйнаго,
уны́лаго, немощна́го и печальна́го,
во мно́гия бéды впа́дшаго, ут-



руждѣннаго бѹрными помыслы
ума моего. Аз бо есмь вертѣп
злых дел, отнюдь не имѣяй конца
греховному обычаю, пригвождѣн
бо есть ум мой земнымъ вѣщѣмъ.
Что сотворю? Не вемъ. И к кому
прибѣгну, да спасѣна бѹдетъ душа
моя? Токмо к тебѣ, святыи Иоанне,
благодати тезоимените, яко ты
предъ Господемъ по Богородице вемъ
больша быти рождѣнныхъ всехъ,
ибо ты сподобился еси коснутися
верху Царя Христа, вземлющаго
грехи мира, Агнца Божия. Егѹже
моли за грѣшную мою дѹшу, да
понѣ отныне, в первыйнадесять
часъ, понесѹ тяготѹ благѹю и при-
мѹ мзду с послѣдними. Ей, Крес-



тителю Христовъ, честный Предтече, крайний Проро́че, первый во благодати мучениче, постников и пустынников наставниче, чистоты учителю и ближний друже Христов! Тя молю, к тебѣ прибѣгаю: не отрини мене от твоего заступленія, но возстави мя, падшагося многими грехи. Обнови́ ду́шу мою́ покая́нием, яко вторым креще́нием, поне́же обо́его нача́льник еси́: креще́нием омы́ваяй прароди́тельный грех, покая́нием же очища́яй коегóждо дѣло сквѣрно. Очи́сти мя, грехами осквернённаго, и понуди́ внѣти, а́може ничто́же сквѣрно входит, в Ца́рствие Небе́сное. Ами́нь.



Святой Иоанн Пророк, Предтеча и Креститель Господень был предшественником Иисуса Христа, предсказавшим Его пришествие на землю для спасения людей. Он жил и подвижался в пустыне в строгом посте и молитвах, а затем проповедовал крещение покаяния для иудеев и призывал уверовать в пришедшего в мир Господа Иисуса Христа, которого он крестил в водах Иордана. Святой Иоанн Предтеча был обезглавлен по приказу царя Ирода Антипы, которого об этом просила Саломия, дочь Иродиады, жены брата царя Ирода Антипы, с которой Ирод состоял в незаконной связи и которую за это святой Иоанн Предтеча обличал.

Иоанн называется Крестителем, как крестивший Иисуса Христа, Предтечей Христа и Пророком, как тот, кто пришел с проповідью прежде Христа и для того, чтобы возвестить о Нем, в соответствии с ветхозаветными пророчествами.

Акафист святому Иоанну Предтече

Редактор: Плюснин А. И.
Технический редактор: Ивашкова В. Ю.
Корректор: Плюснин А. И.
Верстка: Колгарёв И. Е.
Дизайн обложки: Зимихин А. А.

Подписано в печать 24.12.2014
Формат 70х90/32. Бумага офсетная.
Печать офсетная. Гарнитура Таймс.
П. л. 1,5. Тираж 30000 экз. Заказ

Издательство «Благовест». Адрес: 123182,
г. Москва, ул. Авиационная, дом 13

Икона святого Иоанна Предтечи
на лицевой стороне обложки
написана в иконописной мастерской
Екатерины Ильинской©. [www. Icon-Art.Ru](http://www.Icon-Art.Ru)
тел.: 8(495) 642-55-16, 8(926) 534-1980

Отпечатано ОАО ПИК «Идел-Пресс»
420066, г. Казань, ул. Декабристов, дом 2
e-mail: idelpress@mail.ru
[www. idel-press.ru](http://www.idel-press.ru)

**ПОСЕТИТЕ ИНТЕРНЕТ-МАГАЗИН
издательства «БЛАГОВЕСТ»**

WWW.BLAGOVEST-MOSKVA.RU

**много православных книг и икон, акции и скидки
для ОПТОВЫХ И РОЗНИЧНЫХ покупателей**

Телефоны: (495) 787-50-72, (495) 942-53-72

8-800-333-11-78

звонок из любого региона России – БЕСПЛАТНО!